

Bedórve Woeësj

(Woa is 't húske?)

[koeplet ee]

Al joare lank wool heë d'r prins mit vasteloavend zieë
en intlich woar e doa, d'r groeëte daag.
En noa zieng proklemasie vool de sjpanning van 'm aaf,
doe kroog heë las van inne leëge maag.
Heë sjnappet zich ing tuut vol nónnevótte;
doabei nog inne telder eëpelsjlaat.
En op de voes wool heë nog get besjtelle
en makde ing bedórve woeësj soldaat.
't Woeëd 'm langzaam sjlech en heë sjtóng wankel óp de bee.
Heë kneep zich touw de batste en heë vroeg doe gans durchee:

[refring]

"Woa is 't húske? Woa is 't húske? Ich geleuf ich mó't get kwiet.
Dus loat d'r sjluëtel mar geweëde. 'ch Han vuur d'r uëverdrach ging tied.
Jüs leep ich nóg gewiechtig in d'r buuttemarsj vuuróp;
Noe sjteet mich gans 't binnewerk behuurlik óp d'r kóp.
Woa is 't húske? Woa is 't húske? Ich hoap dat ginne mich zoeë ziet."

[koeplet twieë]

D'r sjunste daag; 't sjlótsjtuk van ee druk regeersezoen:
d'r groeëte optoch lupt zich langzaam werm.
Mar boave óp d'r waan, die woeësj, die sjpieëlet 'm wer óp,
gebroes in de hoeëglustigheed zieng derm.
"Noe loat 't bónt gevolg ins effe sjtóppe;
't drieënt zich duchtig rónk in miene maag.
Woa kin ich hei 't sjnelste noa 't húske?
Ich g'leuf dat miene aafveur is van sjlaag."
Noa drei sjtónd koam heë trük en vroeg woa jieëkerinne woar.
De lüj die zint noa heem. De vasteloavend is gedoa.

[refring]

[tusjesjtuk]

Noe loester ins, weësj doe messjien d'r prins van 't nieëgste joar?
Dan loat mich dich vertelle wie 't zit.
Kiek oet mit waste its, mar pakste tòch zoeë ing zelfde woeësj:
dan numste dich geweun ee zuver óngerbreuksjke mit.

[refring]

"En van dat wuuuuuësjke han ich sjpiet!"

Oetveurend artiest **45ëlf**
Tekstdichter **Edwin Peelen**
Toeëndichter **Edwin Peelen**
Arrangement **Michel Nita**
Ópnarmetechniek **Marlstone Music**

© 2017 Kopierech Vlokkébül Produksjes, Landgraaf, Nederland
Va niëks oet dis oetgaaf maag-ste miëë eksemplare make en/of noa boete bringe durch druk, bildkopie,
digitalisering of óp welke anger wies da óch, zónger tówsjtumming vuuraf va de oetgeëverei.
Kiek óch ins óp [45elf.nl](https://www.45elf.nl).



45elf.nl



45elf



@45elf

